

Akina Mama Waaminifu Watatambuliwa katika Hukumu,

Naliomba nipewe mtoto huyu; BWANA akanipa dua yangu niliyomwomba; kwa sababu biyo mimi nami nimempa BWANA mtoto huyu; wakati wote atakaokuwa hai amepewa BWANA. 1 Samweli 1:27, 28.

Utimizwaji wa nadhiri ya Hanna kumweka wakfu mwanawe kwa Bwana haikubadilika hadi pale alipompeleka katika hema takatifu. Tangu mwanzo wa makuzi yake (Hanna) alimfundisha mwanawe kumpenda na kumcha Mungu na kujichukulia kuwa ni wa Bwana. Kupitia kwa kila kitu anachokifahamu kilichokuwa kinamzunguka mwanawe alitamani kuelekeza fikra zake kwa Muumbaji.

Alipotenganishwa na mwanawe, hali ya kujali ya mama huyu mwaminifu haikukoma. Alikuwa kiini cha maombi yake...

Laiti kama kila mama angeweza kutambua ukuu wa wajibu na majukumu yake ulivyo na jinsi thawabu ya kuwa mwaminifu itakavyokuwa kubwa. Mvuto wa mama wa kila siku kwa wanawe ni kuwaandaa kwa ajili ya maisha ya milele au mauti ya milele. Anapokuwa nyumbani anatumia mamlaka dhahiri zaidi ya waziri awapo katika dawati lake au hata zaidi ya mfalme katika kiti chake cha enzi. Siku ya Mungu itafunua ni kwa kiasi gani ulimwengu ulivyo na deni kwa akina mama wacha Mungu kwa watu ambao wamekuwa hawaogopi kutetea kweli na matengenezo, wanadamu ambao wamekuwa na ujasiri wa kutenda na kuthubutu, waliosimama bila kutikiswa katikati ya majaribu na mashitaka; waliochagua maslahi ya juu na matakatifu ya ukweli na utukufu wa Mungu, kuliko heshima ya kidunia au uhai wenyewe.

Wakati hukumu itakapoketi, na vitabu vitakapo funguliwa; wakati Hakimu mkuu itakapotangaza "vyema mtumwa mwema" na washindi watakapovikwa taji ya utukufu isiyoharibika, wengi watainua taji zao mbele ya kusanyiko la ulimwengu na kuwaelekezea mama zao wakisema, "Kwa neema ya Mungu amenifanya kuwa hivi nilivyo. Mafundisho yake, maombi yake, yamefanyika baraka ya wokovu wangu wa milele." ...

Mungu ameamuru kuwa kwa familia na mataifa au kwa mtu binafsi, wema ndio msingi wa furaha...

Kupitia mawazo na fikra zilizopaliliwa katika miaka ya awali, kila kijana anaamua historia ya maisha yake. Tabia za utu, sahihi na zenye maadili zilizojengwa katika ujana zitakuwa sehemu ya tabia na zitaweka alama ya uelekeo wa maisha yote ya mtu huyo. Vijana watakuwa wema au waovu, kutegemeana na vile walivyochagua...

Vijana wa sasa wanaweza kuwa wa thamani machoni pa Bwana kama alivyokuwa Samweli. Majina yao yanaweza kuandikwa katika kitabu cha uzima na kutazamwa kwa furaha na watawala wakuu wa dunia na jeshi la malaika. Kwa kudumisha uadilifu wa Kikristo kwa uaminifu, vijana wanaweza kuwa na ushawishi mkuu katika kazi ya matengenezo, kama Luther alivyokuwa mwungwana. Wanadamu kama hao wanatakiwa katika wakati huu. Mungu ana nafasi na kazi kwa kila mmoja wao (*The Signs of the Times*, Novemba 3, 1881).